

АКАФИСТ

Преподобному и богоносному отцу нашему Алексию,
последних времен Чудотворцу (10.11.1930 – 08.01.2005 гг.)
Написание этого акафиста было освящено благословением
самого Батюшки Алексия
(Для келейного чтения)



Избранный от Господа угодниче Христов преблаженне Алексіе, твоим заступлением и предстательством ограждаеми, ныне всечестную память твою празднующе, молим тя усердно: путеводствуй нас на пути спасения, избави от всяких бед и напастей, с любовью зовущих ти:

Радуйся, преподобне отче наш Алексіе, заступниче последних христиан.

Икос 1

Ангел земный и человек Небесный явился еси, преподобне Алексіе, все житие твое в подвизе страдальчества проводил еси, и рай присноблаженного достигл еси, идеже ныне ликуя услыши и нас, на земли поющих ти таковая:

Радуйся, от младенчества Богом избранный.

Радуйся, Ангелом собеседниче предивный.

Радуйся, граду Пензе преславное украшение.

Радуйся, Божия Матери верное и возлюбленное чадо.

Радуйся, измлада на земли много пострадавший.

Радуйся, аки краткий агнец вся терпевый.

Радуйся, всего себе Богу предавый.

Радуйся, с Небес утешение приемый.

Радуйся, преподобне отче наш Алексіе, заступниче последних христиан.

Кондак 2

Видевши родители твои и знаемии яко благодать Божия почи на тебе, блаженне, радостию святою радовахуся и Христа о сем благодаряще, славяще Бога: Аллилуиа.

Икос 2

Разума Божественна исполнился, не имеши богословского познания, на проповедь Христову Богом призванный, от веси Ломовки во град Пензу отправился еси, прославляя Прославльшаго тя, мы же дивящиеся таковому о тебе Божию промыслению вопиём ти:

Радуйся, благочестивыя матери твоея отрадо и утешение.

Радуйся, неизреченных дарований сподобивыйся.

Радуйся, истинной Православной веры насадителю.

Радуйся, благоухание Христово.

Радуйся, столпе огненный, среди мглы безбожия путь спасения показующий.

Радуйся, граду Пензе Небесное заступление.

Радуйся, улаждающий сердца́ челове́ков к тебе притека́ющих.

Радуйся, учи́телю благоче́стия.

Радуйся, преподо́бне о́тче наш Алексе́е, засту́пниче послéдних христиа́н.

Кондак 3

Си́лою свѣ́ше безме́рныя ско́рби и боле́зни претерпе́в и всеце́лую пре́данность всесвятѣ́й во́ли Бо́жии показав, живы́й о́браз Христо́вых страда́ний яви́лся еси́, о́тче Алексе́е. О вели́кое долготерпе́ние вели́каго страда́льца! Восхваля́юще таковое долготерпе́ние и чи́стое добродѣ́тельное жити́е твоё, взыва́ем к Богу: Аллилуиа.

Икос 3

Име́юще тя про́ста, я́ко не позна́х кни́жная, рождѣ́нная челове́ческою му́дростию, му́дрыя ве́ка сего́ посрами́л еси́. Учё́наго премудре́ обли́чив вразумля́юще, на путь и́стинный наставля́л еси́. Мы же прославля́юще Бо́га, Дѣ́внаго во свя́тых Свои́х, вопие́м:

Радуйся, премудро́сти Бо́жия испо́лненный, ейже никто́же от челове́к проти́вится не мо́жет.

Радуйся, я́ко мня́щимся му́дрыми бы́ти посрами́л еси́.

Радуйся, и́стинный свет, просвещáяй и освещáяй вся́ческая.

Радуйся, своёю не́мощею си́льных ми́ра сего́ посрами́вый.

Радуйся, смире́нный Богому́дрый страда́льче.

Радуйся, в тяж́ких боле́знях свои́х ника́коже уны́нию преда́выйся.

Радуйся, я́ко гнуша́хуся тебе́ и восста́ху на тя неразу́мные лю́ди.

Радуйся, Христо́ву всепро́щению навча́ющий.

Радуйся, я́ко в терпе́нии и злострада́нии Иову Многострада́льному уподо́бивыйся.

Радуйся, преподо́бне о́тче наш Алексе́е, засту́пниче послéдних христиа́н.

Кондак 4

Многора́зличных бед и искуше́ний ве́ры ра́ди Правосла́вныя и жити́я чи́стаго претерпе́вый и еди́наго то́чию на потре́бу ища́ е́же ка́ко Бо́гу угоди́ти, оби́тель по повеле́нию Бо́жия Ма́тери учредѣ́в, в нейже с ли́ки ино́чествующих вопи́ял еси́ Бо́гу: Аллилуиа.

Икос 4

Ви́дя Богома́тернюю оби́тель, я́ко звезду́ до сконча́ния ве́ка сия́ющую и Небе́сным сия́нием освещáющую путь земна́го жити́я на́шего, прославля́ем трудо́ и молéния тво́я пресла́вне ста́рче, в устро́ении оби́тели сия потруди́вшийся, и благода́рне вопие́м ти:

Радуйся, но́вый Но́е, ковче́га спасéния послéдним христиа́ном стро́ителю.

Радуйся, и нам тихую пристань спасения указавый.

Радуйся, святити храмы во обители создавый.

Радуйся, безчестие, клеветы и укорение за сие без ропота претерпевый.

Радуйся, всем сердцем благолепие Дома Божия возлюбил еси.

Радуйся, монашествующих пречудная красото.

Радуйся, пастырю добрый, Христу подражавый.

Радуйся, саде благочестия.

Радуйся, страже обители вечный.

Радуйся, Богородицы заступлению и покрову обитель твою поручивый.

Радуйся, преподобне отче наш Алексие, заступниче последних христиан.

Кондак 5

Боготечною звездѣ уподобился еси всеблаженне, ты Отца Небеснаго чадо достойное был еси и светом Христовым возсиял еси пред человеки. Видеша дела твоя благая и пречудная мнози во след тебе направляху стопы своя от распутий греховных, ови же убо на нужды обители твоея от имений своих приносяще, и многим ты отцем духовным стал еси. Мы же за такую милость Божию к нам воспеваем Богу: Аллилуиа.

Икос 5

Видя подвиги твоя отче, поем хвалу Богу, в тебе кротким и смиренным рабѣ дивно бо прославися, явив ты падшему и развращенному миру, обуреваемому вселукавым беснованием гибнущего в безумии греха; мы же, во тьме страстей утопающия, слезно вопием ти:

Радуйся, факел освещающий нашу греховность.

Радуйся, колокол пробуждающий нашу совесть.

Радуйся, возводящий наши очи от земли к Небесам.

Радуйся, от страсти пьянства исцеляющий.

Радуйся, от страсти наркомании избавляющий.

Радуйся, в борьбе с блудной страстью нам помогающий.

Радуйся, сокрушение сердца и слезы раскаяния пробуждающий.

Радуйся, яко многим в мире сем тобою спасение явися.

Радуйся, преподобне отче наш Алексие, заступниче последних христиан.

Кондак 6

Проповѣдуют труды и болѣзни твоѧ, смиренномудре Алексіе, ихже ради дивно прослави тя Господь, обильныя исцелений струи тобою источая нам, да выну поем ему: Аллилуиа.

Икос 6

Всякую стяжал еси чудодѣйствія силу благодатию дивнаго во святых Своих Бога, отче Алексіе, не только бо молитвами твоими устрашил еси бесы, но и силою любви твоея совершенно изменил еси я, бѣса во ангела превратив. Воспоминая сию побѣду твою над злыми духи преподобне, научаем всех вопити тебе сщце:

Радуйся, яко власть на духи нечистыя имевый.

Радуйся, яко дѣмони при виде тя и не хотяще себя открывают.

Радуйся, беснующихся от насилия диавольскаго свободителю.

Радуйся, разслабленных укрепителю.

Радуйся, страсти в душах наших искоряющий.

Радуйся, уныние от сердец наших отгоняющий.

Радуйся, не познавшим духовной радости внезапно сердца радостию наполняющий.

Радуйся, страждущим благое утешение.

Радуйся, преподобне отче наш Алексіе, заступниче последних христиан.

Кондак 7

Хотя Всеблагий Господь явити тя светильника миру, и не под спудом, а на свѣщнице высоком поставити, тако да просветится свет твой пред человеки дабы прославити Отца Небеснаго. Люди же православныя обрѣтши тя великаго заступника, аки бисер многоценный, радовахуся неизреченно и возсылаху благодарственное пение Богу: Аллилуиа.

Икос 7

Молитвы твоя, Боголюбиве отче Алексіе, подобно кадилу, елею и миру благоуханному, восходят бо ко Престолу Вседержителя и силою благословения твоего милость Его преклоняют к нам; тем же укрепляеми с любовью зовем ти:

Радуйся, яко твоим благословением благая намерения успешно совершаются.

Радуйся, яко твоим благословением козни бесовские разрушаются.

Радуйся, яко твоим благословением благопотребное от Бога подается.

Радуйся, яко твоего благословения дѣмони трепещут.

Радуйся, молитвенное благоухание к Богу.

Радуйся, молитву Иисусову усты непрестанно творивый и во уме содержащий.

Радуйся, воздѹх моли́твою твоёю освеща́ющий.

Радуйся, моли́твенниче наш пречѹдный.

Радуйся, преподо́бне о́тче наш Алексіе, засту́пниче послѣдних христиа́н.

Кондак 8

Стра́нное и пресла́вное чу́до ви́дится всем притека́ющим к тебѣ, о́тче Алексіе, я́ко и вода́ из кладенца́ твоего́, че́рпемая с ве́рою, теле́сныя и душе́вныя недѹги исцеля́ет, науча́я чуде́ющему Бо́гу пе́ти: Аллилуиа.

Икос 8

Весь еси́ был Любо́вь, Богоно́се о́тче наш Алексіе, не ве́дал еси́ поко́я до конца́ многотру́днаго жити́я твоего́, всем се́рдцем твои́м и свято́ю любобви́ю твоёю ча́дом и б́лижним послужи́л еси́. Мы же ви́дящи тя, преблагі́й о́тче, ра́дующагося с ра́дующимися и пла́чущаго с пла́чущими воспева́ем ти сицева́я:

Радуйся, любве́ вели́кое вмести́лище.

Радуйся, я́ко всем любвеобі́льно вхо́ды до́ма твоего́ отверза́л еси́.

Радуйся, си́рых и убогих любобви́ю своёю согрева́л еси́.

Радуйся, пла́чущия утеша́л еси́.

Радуйся, в беда́х и обстоя́ниях ско́рый помо́щниче.

Радуйся, призыва́ющим тя усер́дный засту́пниче.

Радуйся, приме́р христиа́нской любви́ и терпе́ния всем нам оста́вивый.

Радуйся, любобвь в се́рдцах на́ших возжига́ющий.

Радуйся, преподо́бне о́тче наш Алексіе, засту́пниче послѣдних христиа́н.

Кондак 9

Вся́кое естество́ челове́ческое удиви́ся да́ру прозорли́вости имѹщи от Бо́га преподо́бне, я́ко ты духо́вными очесы́ предрека́л еси́ бѹдущая́ я́ко настоя́щая. Лю́дие слы́шация́ сие́ со всех сторо́н стека́хуся к те́бе с недоуме́ньми, скорбѹ́ми и печа́льми свои́ми и, утеше́ние и сове́т благо́разумен приимше, благода́риша Бога: Аллилуиа.

Икос 9

Вети́я многовеща́нныя, я́ко ры́бы безгласны́я, не мо́гут уразуме́ти я́ко восста́л свяще́нник ино́й по чи́ну Мелхиседе́ка, иже не по зако́ну за́поведи плотскі́я бысть, но по силе живото́ неразруша́емаго.

О пра́ведне о́тче Алексіе, неизрече́ннаго Бо́га свя́тилище!

О дѣвное явлѣніе Бѣжіе нашему маловѣрному врѣмени!

Мы же вѣдяще сѣя, воспеваем ти похвальная:

Радуйся, Олтаря Господня достойный предстоятелю.

Радуйся, драгоценный сосуде Духа Святаго, сокровище благих.

Радуйся, малое и слабое вместилище, неместимыя Ангельския Силы вмещающее.

Радуйся, тайновѣдче душ человеческих.

Радуйся, яко мудростию своею над всеми высоко стоял еси.

Радуйся, преисполненный блаженнаго общения с Богом.

Радуйся, луч пресветлый Вѣчнаго Солнца Правды.

Радуйся, Святѣя Церкви светильниче немеркнущий.

Радуйся, преподобне отче наш Алексіе, заступниче послѣдних христіан.

Кондак 10

Спасѣти хотя вся, Господь Бог новаго тя святаго послал еси нам, тем чрез тебя из темных глубин грѣха воззвал еси нас от жизни грѣховныя к жизни святѣй, воспевающе Ему: Аллилуиа.

Икос 10

Стенá еси и ограждение от еретическаго омрачения міра сего был еси, отче наш Алексіе, протіву экстрасенсов и других слуг сатаны боролся еси; и еретика премудре обличив, из Церкви изгнал еси. Защити и нас слабых и немощных от демонскаго прельщения и просвети омраченныя очи сердец наших, с верою вопиющих ти.

Радуйся, души наша ослѣпшія просвещающий.

Радуйся, выводящий из погѣбели обольщения.

Радуйся, учителю многоплодный волков хищных обличителю.

Радуйся, наставниче великий на путь спасения.

Радуйся, радость истинную во Христе нам показавый.

Радуйся, непоколебимый столпе, твердо содержащий сущих в вере.

Радуйся, покрове духовный, от бед и напастей люди твоя покрывай.

Радуйся, стено невидимо ограждающая, паче стен каменных.

Радуйся, преподобне отче наш Алексіе, заступниче послѣдних христіан.

Кондак 11

Пение благодарственное Господу приносим о тебе чтущия тя, святы́й преподобне́ отче Алексіе, ꙗко дарова́ Господь нетле́нное тѣло твоѣ земли́ Пензенской во утѣшеніе и огражде́ние, граду́ Пензе во сла́ву и защи́щение, скорбя́щим во утѣшеніе, бѣдствующим во отра́ду и по́мощь, боля́щим во исто́чник исцелѣ́ний, и всем с ве́рою притека́ющим к тебѣ, во спасе́ние. Те́мже Бо́гу вопи́ем: Аллилуиа.

Икос 11

Светоза́рное со́лнце, собесѣдниче Ангелом был еси́ на земли́, преподобне́ отче наш Алексіе, с моли́твою на уста́х преда́в святу́ю ду́шу твою́ в ру́це Бо́жии пресели́лся еси́ в Го́рняя Селе́ния, моля́ся за весь мир пред Престо́лом Всевы́шняго. Мы же, живу́щие на земли́, вопи́ем ти:

Радуйся, лампа́до Божѣственнаго сия́ния.

Радуйся, нетле́ния цвѣте прекра́сный.

Радуйся, тайнниче Бо́жий еще на земли́ благ Небе́сных вкуси́вый.

Радуйся, сла́достей духо́вных пода́телю.

Радуйся, звездѣ путево́дная путь к Ца́рствию Бо́жию нам указу́ющая.

Радуйся, ꙗко и по преставле́нии твоѣм с на́ми пребыва́еши.

Радуйся, в со́ниих и видѣ́ниих ча́дом твоим явля́йся.

Радуйся, в моли́твах твои́х о нас к Бо́гу те́плый предста́телю.

Радуйся, преподобне́ отче наш Алексіе, засту́пниче послѣ́дних христиа́н.

Кондак 12

Покро́в и прибе́жище бы́вый всем к тебѣ притека́ющим еще в жити́й твоѣм ты, отче, не оста́вил еси́ нас си́рых, и по твоѣм успѣ́нии ꙗко сам во утѣшеніе всех изре́кл еси́: умер бо е́смь, но аз жив. Бог сохрани́ святы́я мо́щи твоѣ нетле́нными во укрепле́ние Правосла́вныя ве́ры и благоче́стия, в зна́мение безсме́ртія. Егѡ́же прославля́юще вопи́ем: Аллилуиа.

Икос 12

Воспева́ем тя, преподобне́ отче Алексіе, ꙗко удиви́л еси́ мир чудесы́, истека́ющими от святы́х мощѣй твоих. Вси бо с ве́рою приходя́щии и лобыза́ющии их получа́ют вся благопотре́бно проси́мая. И мы прославля́юще Бо́га, Да́вшего тебе крѣ́пость, Венча́вшего тя венце́м нетле́ния и Де́йствующаго тобо́ю, вопи́ем ти си́це:

Радуйся, сла́во правосла́вных и Це́ркви непоколеби́мое утвержде́ние.

Радуйся, земли́ Пензенския свяще́нное украше́ние.

Радуйся, Небе́сный наш покрови́телю и ско́рый помо́щниче.

Радуйся, на высоту́ безстра́стия возше́дый.

Радуйся, со Апóстолы у Престо́ла Царя Славы ликовству́й.

Радуйся, мучеников добропобѣдных сострада́льче.

Радуйся, звездó сияющая в со́нме преподо́бных.

Радуйся, гражда́нине Иерусали́ма Го́рняго.

Радуйся, свѣ́тче Бо́жий со всеми святы́ми прославля́емый.

Радуйся, наш свети́льниче все свѣ́тлый и вселюбимый.

Радуйся, преподо́бне о́тче наш Алексі́е, заступ́ниче послѣ́дних христиа́н.

Кондак 13

О всесвятѣ́й и пресла́вный уго́дниче Бо́жий, преподо́бне о́тче наш Алексі́е! Прииме воздыха́ние благодарных серде́ц на́ших, с любóвию тебе приносíмое.

Преклоня́ем колéна наша пред тво́ими многолѣ́тними тяжкими страда́ньми. Тво́ими всесильными у Престо́ла Бо́жия моли́твами пода́ждь и нам немощнѣ́м твердыми во искуше́ниях и злострада́ниях бы́ти, твёрдо надéяться véрою Правосла́вною спаст́ися, да и мы с Тобóю и со все́ми святы́ми сподо́бимся в Го́рнем Иерусалиме пѣ́ти Всеблагóму Бо́гу на́шему вѣ́чно немóлчное: Аллилу́иа.

(Читается трижды: затем снова 1-й икос и 1-й кондак).

МОЛИТВА

К преподобному старцу Алексию, последних времен Чудотворцу

(чтомая в Свято-Михайловской обители у святых мощей Батюшки)

О Преподо́бне и Богоно́се отче наш Алексі́е, Упова́ние христиа́н, Кре́посте на́ша, свѣ́тостию жити́я и чудесы́ тво́ими в земли́ Пénзенской просия́вший и по отше́ствии твоём Сонм Святы́х попо́лнивший, где Ангели Небéснии со все́ми Святы́ми ра́достно ликуют, прия́ша чи́стую ду́шу твою́ во оби́тели ра́йския, возлетѣ́вшую на Небеса́́ яко Небопа́рная Орля, и мы грѣ́шнии на земли́ ра́достно прославля́ем тя со все́ми Го́рними Си́лами и усер́дно про́сим:

Па́стырю наш до́брый и учи́телю Премуд́рый, Ду́ха Свята́го Сосúде Избра́нный, Дивный во Святы́х, Богодухновѣ́нный Светоза́рный Ангеле, Вели́кий Чудотво́рче и Моли́твенниче наш тёплый, всему мі́ру Свети́ло, к тебе во умилéнии душ и сокруше́нии серде́ц на́ших, благонаде́жно притека́ем и вопия́ усер́дно про́сим по́мощи твоея́ и тёплага ко Преблагóму Богу ходата́йства, да тво́ими умилéнными моли́твами испроси́ нам от Него́ человеколю́бную милость, оставле́ние многих наших согреше́ний, душí и телесí здра́вие, со спасе́нием; и́ яко Благ и Человеколю́бец, да благоволи́т безбе́дно в мире сем ходи́ти нам до сконча́ния живота́ на́шего.

Да егда́ найдет на ны испытáния час, укрепи́т нас véры ра́ди Православныя подви́затися до сме́рти, Цérковь Святу́ю в правове́рии утверди́т. От язы́к безбо́жных, от отступ́ник и от еретико́в

погибельными ересми ослеплённых оградит. Град Пензу и вся грады и веси, Обитель твою от стихийных бед и многоразличных обстояний сохранит. Месту сему всемошное покровительство явит и не даст порадоваться врагом, хотящим погубити Святыню Господню. И да получают здесь избавление от всяких зол вси приходящие сюда с верою!

Имя же Господне да прославится на месте сем и да возвеличится заступничество твое, Угодниче Христов. Во время же разлучения от жития сего души наша в покаянии и мире Ангелом Своим Святым милостивно прияти повелит, и от мрачных и злоковарных и лютых духов демонских на воздухе прошед невозбранно к Нему непостыдно предстати поклониться и безмерныя радости Небеснаго Царствия вкусити, и блаженные жизни сподобит со всеми Святыми во веки. Аминь.

Тропарь, глас 2:

Образ Христовой любви и терпения являя/ покров и защищение земли Пензенской/ и Непобедимого Православия/ Всеславне, Божий Угодниче Истинный Алексие/ к служению Христову от чрева матерня предъизбранный/ Богу угодил еси/ Тем же ты Господь даром прозрения и исцеления обогати/ и ныне в чертозах Небесных Престолу Божию предстоиши// и молишися о душах наших.

Слава и ныне:

Кондак, глас 3:

Днесь радостно ликует Церковь Русская/ прославляющи тя Преподобне отче наш Алексие/ последних времен Чудотворца Предивнаго/ Православия одеждею свыше истканною// Веры Истинной Хранителю.

Величание:

Ублажаем тя/ Преподобне отче наш Алексие,/ и чтим святыю память твою/ наставниче монахов// и собеседниче Ангелов.

Благословение у Батюшки Алексия на наступающий день (или ночь)

Святой угодниче Христов, преподобне отче наш Алексие! Благослови меня грешнаго (ую) и помози мне без греха провести наступающий день сей (ночь сию), сохрани и защити меня твоим небесным заступлением на всяком месте, на всякое время и на всякий час и молитвами твоими приведи меня грешнаго (ую) к тихому пристанищу спасения.

Аминь.